



Arubaanse Courant

Anja 26.

DIALUNA 30 NOVEMBER 1964

No. 5198.

A.L.M. kier expande su red aerea

SCHIPHOL, 30 nov.- E direccion dje compania Antillano recién funda di aviasion, cu oi prome di agosto pasa a tuma di KLM e explotación dje trafico aerea den territorio Caribe cu tres Convair 340, tin plannan grandi pa otro anja.

Den prome lugar nos ta spera a haci e empresa por medio di un organisacion eficiente y aumento di produccion, rendable, segun un dje directornan di ALM senior Yrausquin abisa na Schiphol. Door di aumento di produccion ALM ta spera di por obtene expansion dje red di lineanan a algun islanan nobo den Caribe.

Mescos cu nan ta spera di expande e flota chikito door di aumento di produccion, e direccion ta hanja necesario pa bahae cuerpo di pilotonan. Esaki lo wordu trese te na 13 piloto, cu cada uno lo mester tin mas o menos 100 ora di vuelo pa luna. Por lo pronto ALM ta te ainda den e prome fase. Te ora cu esaki

termina (y esaki lo dura hopi tempu) lo llega e di dos fase dencual nan lo pone bista riba

expansion dje flota cu avionnan jet y expansion dje red aerea cu routanan riba distancianan largu, segun director Yrausquin.

Carniceria na Congo

LEOPOLDVILLE, 30 nov. - Segun refugianan cu a llega Leopoldville e 130 blancu nan den e lugá Congoles Aketi, tabata durante un luna presunan di e rebeldenan. E lugá aki, cu dialuna pasa awordu ocupa pe ehército nacional Congoles, a wordu rondona pa dos mil rebelde y nan ta spera cu e rebeldenan na cual kier momento lo bolbe conquista e lugá aki.

Segun e ultimo noticianan nan no a hanja 28 cadaver pero 3 cadaver di religiosonan na orilla robez di riu Congo na Stanleyville.

Ta trata di principalmente e Ulandes o Spanyolan.

Nan a hanja ne orilla robez, segun anuncia el sobreviviente. Un di e sobrevivientenan, e Bel-

go Camille Borry, a bisa CU AKINAN TA UN CARNICERIA, Y e y un cantidad di otro nan a keda salba despues cu nan a duna e rebeldenan serbez y placa.

Na Washington e consul Mericano Hoyt cu a scapa di e ase-

sinatonan na Stanleyville a bisa na un conferencia di prensa, cu e rebeldenan segun su opinion, no ta busca poder, pero den prome lugá nan tin odio pe hendenan blancu. E rebeldenan ta forma, segun e un movimientu militar, cu no tin hopi apoyo di e poblacion local.

Nan ta usa e imagen di Patri-ce Loemoemba, e prome minister Congoles izquierdista asesina, pe Congoles izquierdista asesina, pero no ta apoya marxismo y un otro ideologia. Riba e pregunta tocante influencia di e comunistanan Chines, el a bisa di no a mira conseheronan di exterior.

Unda Mariniernan ta bai cu Pasco ?

ORANJESTAD, 30 nov. - Como cu ta musta, cu no ta posibel, a apesar di e bon intencionan e plannan di e commandante di Savaneta Kamp y esnan cu ta dirigi e Militaire Tehuisen, pa prepara un plan completo pa e Mariniernan di Savaneta Kamp pa celebracion di Pasco, e cletronan di e Kamp a dicidi pa haci un esfuerzo pa algun civilnan tuma e mariniernan ariba e dia ey den cas. Asina awor pater G.H. Delnoy y ds. J.A. Visser a dirigi nan mes na nan parokia

cu e peticion pa ariba promer dia di Pasco algun di e parokianonan tuma un of dos di e mariniernan den cas. Asina e civilnan na Aruba lo por percursa pa algun cien Marinier kendenan ta leuw di nan famia lo pasa un bon Pasco. Esnan cu ta desea di coopera por yama senyor Van der Mheen, di Protestants Militaire Tehuis, tel. 7119 of ds. Visser, tel. 2164. Esaki ta pa e militarnan protestant. Esnan cu kier yuda un militair catholico por yama pater G.H. Delnoy na tel. 3080.

FATUM
Pa tur bo aseguronan
Tel. 1845.

REACCION LIHER

DI PRINCIPE

RIJSWIJK, 30 nov. - Masha interesa Su Alteza Real principe Bernhard a laga nan mustre despues di e inauguracion oficial di e prome fabrica Ulandes di computer NV Electrologica, e empresa. Den e departamento di test nan por a stipula su velocidad di reaccion. Ir. Kuipers, a explica kiko nan meste haci. E principe sonriente a somete su mes ne prueba mescos cu e otro nan entre kende Minister Andriessen. E principe tabatin un diferencia grandi en comparacion cu e otro nan. Su velocidad di reaccion parse ta masha grandi.

Schroeder a regresa

BONN, 30 nov. - E minister di asuntunan exterior di Alemania

occidental Gerhard Schroeder a regresa Bonn foi Merca. Akina el a keda durante un siman y tabatin deliberacionnan cu e lidernan Mericano. Door di enfermedad e minister di asuntunan exterior di Alemania Occidental meste a alarga di su estadia na Merca.

Boet haltu pa expedicion

KATMANDOE, 30 nov. - Elider dje expedicion Ulandes di Himalaya di 5 homber, Jan Boon, a hanja na Nepal boet di dos mil rupees pa motibu di a subi un seruru pa cual e no a pidi o a hanja permit. Enbes di a subi Nimlung Himal, pacual nan a pidi permit Jan Boon y su companjeronan a subi Mansulu Himal mes altu.

E rason pe cambio aki te mal weer y e ruta dificil. Un oficial Nepales di comunicacion cu a viaha cu e grupo aki, a hanja un aviso, pasobra e no a pone oposicion contra nan plannan. Jan Boon ya ta tres biaha caba a dirigi Alpinista den Himalaya.

SOEBANDRIO BEK PA INDONESIA

TOKIO, 30 nov. - E minister Indones di asuntunan exterior dr. Soebandrio, a sali foi Tokio pa Djakarta enbes di New York, caminda e tabata pa asisti ne inauguracion di e Asamblea General di Nacionnan Uni dia promer di december proximo.

Un bosero Indones a participa cu Soebandrio a regresa Djakarta en relacion cu e actual bishita dje minister Chines di asuntunan exterior, mariscal Sjen Ju na Indonesia.



"Glazen Speelgoed" tabatin su premiere dia-sabra anochi ultimo den Centro Cultural. E comedia aki presenta pa seccion Hulandes di Mascaruba a hala un sala yen.

Foto drechi Gerda Nuyens y Johan Kats den un di e actonan. Foto robez Jeanne Lock y Frans Meewis ariba podium den "Glazen Speelgoed".

INAUGURACION CONGRESO EUCCHARISTICO BOMBAY

BOMBAY, 30 nov. - Cardinal Agagianian, diasabra a inaugura como delegado personal di Papa Pablo sexto e di 38 congreso eucharistico internacional. E serie di congresonan aki, cu ta wordu tene cada 4 anja den un otro ciudad cu eucharistia, sacramentu di altar, como centro, a cuminsa na anja 1881. E actual congreso na Bombay, cu lo wordu asisti den e segundo parti di otro siman pa Papa Pablo mes en persona lo dura te cu 6 di december awor, y lo tuma lugar den e catedral na aire libre den un parque mei mei dje ciudad cu 80 mil lugar pa sinta y tambe 80 mil standplaats.

E gobierno dje estado Mahatma-jitra di India a duna e parke aki na disposicion dje congreso. E president y organisador dje congreso aki ta cardinal Gracias arzobispo di Bombay.

Un dje puntonan culminante ta consagracion door di Papa Pablo dje seis obisponan foi e cinco continentenan mundial, ne di 412 aniversario di fallestimentu dje misionero Jesuita Spanyo di Oriente San Francisco Xavierius, kende su restu balsama a wordu expone den e periode aki na gia

na 400 km na sur di Bombay. Diasabra cardinal Gracias, a inaugura e prome adoracion eterno na Azia den e capilla di Franciscus Xavierius na Colaba nasur Bombay cual en adelante lo llama misa dje di 38 congreso eucharistico internacional. Mas di 50 mil delegado foi tur parti di India ya a llega Bombay. E reunionnan dje congreso ta wordu tene diarlamete di cinco te 8 or di anochi. Un delegadodje departamento di India di e asociacion mundial di religionnan lo tin dia 3 y 4 di december un entrevista cu Papa tocante kestonnan referiedo di tres conferencia mundial di religion na februari proximo.

Papa na Bombay lo keda cerca cardinal Gracias. E vice president di India dr. A. Zakir Hoesain, cu a palabra na inauguracion como representante di gobierno a bisa cu India ta hanja un honor, di no ta uni na ningun

religion en particular pero tin e mesun respet pa tur y tagarantisa tur e mesun derechonnan cerca ley.

E actitud di nos pais enbista di christianidad no ta solamente negativo pero tabata soportable pero a yuda e comunidad christian y a alerta esaki pa duna su contribucion na bida politica economica cultural y social den e apsi.

Tin miembronan christian den e gabinete central, y minister gobernador, embahador y parlamentarianan christian. Christianidad, a wordu trese mas di

dos siglo pasa pa apostel Thomas na India, y a wordu acepta den bida y historia di India. Mahatma Gandhi den e oranan mas scur a busca consuelo den ensenanza di Christu.

Dr. Hoessain a bisa ainda cu e proposicion di Papa a sali pa Bombay a alegria e pueblo aki.

Atencion

From today on our new telephone numbers - will be
3363 - 2 lines
2120 - 1 line

Di awe en adelante nos numeros di telefoon lo wordu cambia pa
3363 - 2 linia
2120 - 1 linia

Onze telefoonnummers vanaf heden gewijzigd als volgt
3362 - 2 lijnen
2120 - 1 lijn.

La Linda



PA PASCU

un surtido enorme di articulonnan pa

- * Damas
- * Caballeros
- * Muchanan
- * Cas

LA LINDA

GEZAGHEBBER DI TERITOMIO INSULAR DI ARUBA

ta participa

cu en coneccion cu e caminda cu a ser drecha di nobo, den Wilhelminastraat entre Adriaan Lacle Boulevard y Wilhelminaplein lo ta necesario pa corre ariba e parti pa-nort di e caminda mencionada, durante algun siman;

cu pa e motibo ey cuminzando for di dia 1 di december 1964 te ariba dia 29 di december 1964 ta terminantemente prohibi pa warda o parkeer cu vehiculonan di motor na e banda drechi di e caminda, biniendo for di Adriaan Lacle Boulevard pa Wilhelminaplein;

cu e prohibicion pa warda y pa parkeer aki lo ser indica pa medio di borchinan di trafico, modelo 37.

Awor por regla e keston Aleman

MOSCU, 30 nov. - E corant Ruso di gobierno Izvestia, a scirbi cu despues di guerra no tabatin un tempu asina favorable manera awor pa un areglo di e keston Aleman y otro kestonnan Europeo. Rusia semper tabata dispuesto pa deliberacion, segun e corant.

Den un articulo titula, Europa, ilusion cu a pasa y realidad Izvestia ta bisa, cu un sistema berdaderod di seguridad sin duda por worde desarolla sola, ente riba base di cambionan historico, cu lo conduci pe Europa di

añanan 60. Si occidente kier mira e realidadnan, si e lidernan politico occidental tene nan mes na nan promesa di eleccion, actualmente ta ora. No ta mester meste haci e prome paso. Sem-

QUALSON SACKY

PRESIDENT DI

ASAMBLEA

NEW YORK, 30 nov. - E representante di Ghana cerca Nacionnan Uni, Qualson Sackey di 40 anja por ta sigur di su eleccion como president dje asamblea general di Nacionnan Uni cu diamars awor ta reuni pa su di 19 sesion. E grupo Africano cerca Nacionnan Uni a nombre diaviera oficialmente como candidato pe puesto aki, despues cu e dos otro candidatonan, Omar Adeel di Soedan y Nathan Barnes di Liberia, a declara nan mes dispuesto pa retira. Foi algun tempo cabatur e estadonan miembro dje organisacion popular a bai di acuerdo cu e president dje asamblea mester bini di Africa.

*Despues di llegada dje minister Britanico di Colonia, Greenwood, na Aden a explota akinan na varios luga 3 bom y 3 granada di bazoeka a worde lansa. Seis persona a keda herida.



e sigaria MAS gusta

BOTICA ARUBA
Personal competente
+ Maquinaria moderna
+ Servicio excelente.
Jama No. 1080 - 1081
of 1180
y nos ta busca bo recept y entrega e remedi na bo cas.

per e tabata dispuesto pa delibera-
ra tocante destino di Europa y
esun di henter mundu. Den e
articulo den Izvestia no ta wor-
du considera un cambio den po-
litica Ruso, pero te prome biaha
foi cu e lidernan Ruso nobo a
bin na poder seis siman pasa,
cu nan ta insisti asina cla ri-
ba un encuentro entre oost y
west tocante e kestonnan Europeo.

TERRITORIO INSULAR DI ARUBA

Ontvanger di Territorio Insular di Aruba ta participa abonadonan cu no a paga nan abono di Telefono di luna di november 1964 cu aanmaning lo ser poni na post dia 30 di november 1964 y cu for di dia 1 di december 1964 lo cuminsa cobra gasto di aanmaning pa abononan di november 1964.

VERF BO CAS AWOR.....

of laga nos trajadornan hacié pa bo

CU PAQUA Y STUCCOGARD

y naturalmente **SIKKENS** pa madera calidad

- 2000 colores - aviso gratis.

BOUWMAATSCHAPPIJ ARUBA N.V.

DRUIVENSTRAAT 10-DAKOTA-TEL 1275

HASTA DECEMBER 23-ABRI TE 5.30 P.M.

Complot descubri na Brasil

RIO DE JANEIRO, 30 nov. - President Humberto Castello Branco a bisa den un mensahe ne congreso, cu e autoridadnan militar na nan investigacion pe acontesimentunan den estado Goias, a descubri movimentunan subversivo paralelo den estado Rio Grande Do Sul den Sur di Brasil.

El a declara tambe, cu nan a averigua coneccion nan entre un banda e gobernador y autoridadnan di Estados Goias y di otro banda un red di organisacionnan internacional, cu tin interes pa

tumba e orden constitucional y social na Brasil. Noticianan foi Porto Alegre, capital di Rio Grande Do Sul, a duna anuncio di detencion di mas di dos mil persona, cerca kende tin 30 ex oficial, cu a wordu expulsa foi ehercito, pasobra nan tabata partidario dje president Joao Goulart cu nan a baha.

E congreso a reuni pa delibera acerca dje kestion di bahamento di e gobernador di Estados Goias, Mauro Borges. E president principio di siman a ordena intervencion federal den e estado - Goias y a acusa e gobernador di accion comunista subversivo.

APARATO PA TERAPIA KANKER A YEGA

ORANJESTAD, 30 nov. - Cu e bapor "Memnon" di K.N.S.M. a yega Diasabra ultimo e aparato pa terapia di kanker, encargador di Koningin Wilhelmina Fonds na Aruba y regala na San Pedro Hospital na Oranjestad. E aparato aki ta worde entrega door di - Elga N.V. Esakinan tambe lo percura pa e aparato cual a worde desembarca cu masha cuidao worde instala pronto.

Pa e regalo aki e Fonds a hanja yudanza di hopi banda. No unicamente K.N.S.M. a decidi di desvia for di su tarifa regular pa e carga aki, pero tambe gobierno a priminti di debilbe un parti di e derecho di entrada pa e aparato back na e fonds.

SAIGON, 30 nov. - E opper bonze Thitsj Tam Tsjaou, cu ta un di e grandinan di e hierarchia boedhista a firma na un conferencia di prensa na Saigon resistencia contra e persona di e actual prome minister Sur Vietnames, Tran Van Hoieng, cu el ta acusa di kier derumba mas cu construi.

Segun e boedhistanan e hefe di estado y e consejo supremo meste carga responsabilidad enbista di actuacion di e gobierno.

YATE TAKEBORA



Diasabra mainta tempran a drenta haaf chikito e yate di bela "Take Bora" cu cual e luitenant general di fuerza aerea Hulandes cu ta pensiona H.A. Maurenbrecher su so ta haciendo un biaha for di Hulanda pa New Sealand. E boto a mara na e pier "Bali" Despues di un corto estadia na Aruba, e soltero aki di cincuenta y dos aña lo sigui pa Panama Canal for di unda lo e haci e biaha largo over di oceano pa New Sealand. Señor Maurenbrecher a cuminsa su biaha dia 14 di juli ultimo for di IJmuiden pa cruzar oceabo for di Islanan Canario pa Barbadus den 26 dia.

JUBILARIONAN NA L.A.G.O.

ORANJESTAD, 30 nov. - Diasabra ultimo tabatin dos hubilario na Lago. Ta trata di senjornan Anthony Tapin (34) y Sabino Boekhoudt (41). Senjor Tappin ta "Senior System & Program Analyst, mientras senjor Boekhoudt ta Ass. Operator den e

compania. Awe tin otro dos jubilario. Esta Nicolaas Croes, ass. operator na desembarcamento di azeta, kende ta celebra su jubileo di plata, mientras cu senjor Lorenzo J. Mathilda di cincuenta y un aña ta cumpli trinta aña den servicio. Senjor Mathilda ta carpinte-A den e empresa.

Paracaidista Belgo a sali di Kongo

BRUSELAS, 30 nov. - E paracaidistanan Belgo, cu a participa ne operacionnan di rescate na Congo diadomingo a sali di e base Kamina pe isla Britanico Acunson. Diamars mainta nan lo llega Bruselas caminda ta spera nan un recepcion grandioso. Cu salida di e 650 paracomandonan foi Kamina e operacion a finalisa. Nan a libra na Stanleyville 1800 y na Paulis 375 presu blancu di man di e rebeldenan.

E soldanan di gobierno Congoles diadomingo atardi a salba den e luga Titoele den territorio di Boeta 40 blancu. Te ainda no ta conoci si e rebeldenan cu a pone poco resistencia, a haci uso di crueldad nan akinan.

Soumialot y Gbenye a hui pa Soedan

CHARTOEM, 30 nov. - Dos di e lider di e rebeldenan Congoles, Gbenye y Soumialot, a llega Sur Soedan, segun un anuncio oficial. E comisario di e provincia Soedanesis relaciona Achmed Hassan, a anuncia, cu e president di e republica popular Congo, Gbenye, a hui pa Soedan, compania di Gaston Soumialot, prome minister di e gobierno revolucionario, Congoles, general Olenka y Pierre Moelele.

E comisario Soedanesis den un conversacion telefonico a bisa ainda cu un cantidad grandi di Congolesnan foi e territorio di Stanleyville y Paulis a hui pa Soedan. Entre nan tin herido y enfermonan, cu a hanja primera cura ne frontera Soedanesis, di fuente Soedanesis.

Foi diadomingo tempran e cohete espacial lo mester stipula mas su posicion enfrente di mundu, pero mester stipula esaki en relacion cu e streya Canopus, lo cual un oloshi automatico mester

Segun e corant autorisa di Egipto Al Ahram tin en relacion cu e demostracionnan serio di diahuebs dilanti e embahada Mericano na Cairo, 48 estudiante Africano detene provincialmente. E pueblo di Egipto no ta aproba e actuacion dje estudiante nan Congoles, segun e corant.

E minister Indones pa comunicacionnan riba laman tin idea di habri un oficina na Amsterdam pa progresa e relacionnan entre paisnan Indones y Europeo riba laman. Segun e agencia di prensa Indones "Antara" a anuncia,

haci.

Despues a keda anuncia cu e actuacion a fracasa y cu e cohete espacial no a stipula su rumbo enfrente di Canopus pero di un otro streya.

Expertonan no ta hanja esaki un dificultad, pero lo duravarios ora prome cu nan por ordena e satelite pa ripiti e maniobra, via signalnan.

E nave espacial mester pasa e planeta dia 15 di juli na un distancia di 320.000 km. Den e venidero 10 dianan nan lo cambia su rumbo via e stacion na Goldstone cu ayudo di signalnan di radio, asina cu e kodak di Marte lo bin para na un distancia di 13.760 km di marte, segun e oficina Mericano pa viahe espacial y aerea.

Rumbo MARINER 4 a cambia algu

CABO KENNEDY, 30 nov. - E navio espacial Mericano Mariner 4 cu ta di caminda pa Marte, segun plan a rebaha su velocidad te cu 13.905 km pa ora, segun participa pe funcionarionan dje oficina di viahe espacial, "Mariner 4" diasabra anochi tabata na un distancia di 160.614 km di mundu.

20%

20% DISCUENTO

y un fantastico lampi di mesa

GRATIS

cu cada compra di fls. 100,-- of mas
de contado den nos departamento di

MUEBLES Y
ARTICULOS DOMESTICOS

compranan cash pa suma nan mas grandi
tambe lo tin nan regalos correspondiente

SAADE STORE

Nassastraat 4.

Oranjestad.

20%

BEKENDMAKING

Met ingang van 1 december 1964, zullen de Post- en Hulppostkantoren, met uitzondering van het Hulppostkantoor op Dr. A. Plesmanluchthaven, voortaan op zaterdag voor het publiek geopend zijn van 8 tot 12.30 uur 's middags.

Voorwat betreft de loketten bij de Postwisseldienst, Postspaarbank en uitreiking postpakketten zijn deze op zaterdag geopend van 8 tot 11 uur voormiddag.

De openstellingsuren van het Hulppostkantoor op Dr. A. Plesmanluchthaven blijven ongewijzigd t.w.; van 7 uur 's morgens tot 7 uur 's avonds.

De wnd. Directeur der Posterijen,

DEMOSTRACION DI ESTUDIANTE

SAIGON, 30 nov. - E estudiantenan Sur Vietnamese a trata di haci e intiero di un hoben di 15 aña cu a worde mata ne irregularidadnan di diarason pasa, un demonstracion contra di gobierno.

Apesar di e hecho, cu bowdies-tado di sitio maximo dos cien persona por participa ne seremonia di intierro y nan lo tuma un routa special dos mil estudian-

*E personal terestre di British Overseas Airways na Merca a cuminsa un huelga, despues cu nan no allega atrobe di acuerdo tocante un contract nobo di trabao. Mas o menos 500 miembro di personal a bandona nan trabao na New York, Chigago, Detroit, Boston y Washington. Varios vuelo meste a worde cansela.

Otro di e quintuple a muri

PARIS - UPI - Awe mainta e segundo di e quintuple frances Sambor a fallece. Esun qu a muri awe mainta ta Dominique. Di manera qu solamente dos mucha muher y un homber a keda na bida awor.

Asina un dokter di e hospital a informa poco despues di e entierro di Jean Luc, cu a muri diahuebs.

E informacion medico di ayera ta bisa cu e estado di Thierry Monique y Catherine no ta muestra cambionan, pero cu Dominique a bira notablemente mas malu y cu e mucha ta sigui necesita ayudo pa por hala rosea. E muchanan quintuple, junan di sra. Monique Sambor esposa di un brievebesteller di Paris, a nace prematuramente dialuna. E profesor Marcel Lelong cu tin na su cargo e muchanan quintuple den e clinica special pa muchanan prematura a bisa "cu e estado di Dominique ta birando mas malu y ta necesita ayudo respiratorio constante."

Dr. Lelong a bisa cu e cinco muchanan a nace asina debil cu nan a yega na e extremo limite di capacidad pa e supervivencia. Dr. Lelong a agrega cu e indice di mortal di muchanan prematura cu ta nace pisando alrededor di 4 kilo manera e quintuple Sambor, ta 76 por ciento.

te cu a cai sinta riba caya a intenta di dirigi e sequito den cayanan druk den Saigon. Pero e caminda a wordu serra pa prikeldraad y paracaidistanan. Henter e caminda cu e sequito meste a sigui tabatin vigilancia pisa di polis y militarnan. Ora cu 12 persona a worde aresta, e estudiantenan cual nan cantidad a aumenta te tres mil a bolbe cai

LA FAMA A GANA DI RAPIDA 2 - 1

(Di Nos Redactor Deportivo).

Den e partido di volleyball masculino clase A hunga diaviera anochi na Brazil e sexteto di La Fama a logra un triunfo di dos pa uno ariba esun di Rapida. Ganando e promer game 15 pa 7 pa La Fama ta abal adilanti. Rapida ta empata e match ganando e segundo game 15 pa 11, pero e tercer y decisivo game ta termi-

sinta riba caya pa obliga liberacion djesnan aresta. Den e ultimo auto di e sequito funebre polisnan a hanja granada, scopet y pamfletnan di Vietcong. En total 32 persona a keda aresta.

na den favor di La Fama 15 pa 13 loke pues a duna La Fama e triunfo di dos pa uno. Tabata un interesante partido. E promer match di e anochi tabata entre e equiponan femenino clase B di La Fama y Brazil. Cu score di dos pa cero Brazil a triunfa. E gamenan a termina 17-15 y 15-11. Na Brazil lo tin awe noch continuacion di e campeonato cu dos wega di cabayeros clase B. Den e promer Rapid ta hunga contra Brazil y den e segundo ta topa otro La Fama y Caribe.

KODIAK, ALASKA, 30 nov. - Un avion di reconocimento di marina Mericano a bula dal den mal tempu contra un serru cerca Cabo Newenham. E restunan di 11 miembro di e tripulacion a worde hanja. nan a keda sin hanja un miembro di tripulacion. Cabo Newenham ta keda na 400 km na noord west di Kodiak.

PROTESTA MERICANO PA AUTORIDAD U.S.

WASHINGTON, 30 nov.- Merca a protesta cerca autoridadnan Sovietico na Moscu y Washington contra ataquenan di demostrantenan riba e embahada den capital Ruso den dia. Rusia a wordu pone responsabel pe danjonan.

Belgonan a protesta fuertemente contra ataquenan riba nan embahada nan y a exigui pago di danjo. E demostracionnan tabata dirigi contra e actuacion occidental na Congo, caminda paracaidistanan Belgo a wordu inclui pa salba e rehennan blacu. Corresponsalnan occidental durante e demostracionnan di e Africanonan na Moscu, a mira masha poco Ruso entre e multitud, pero

si tabatin un cantidad grandi di Chines y Noord Vietnamese.

E autoridadnan Ruso probablemente a duna permit pa demostracionnan. E agencia oficial di prensa "TASS" a papia tocante un movimientu espontaneo.

Pero testigonan a bisa, cu e hombernan Ruso di camara y periodista nan a llega prome cu e demostracionnan aki mes.



UNICAMENTE TRES
SIMAN MAS
PROMER CU PASCU
BIN SCOHE BO VERF AWOR
for di
1200 color
di e inigualable verf
Valspar
Antillian Mercantile Corp. N.V.
SAN NICOLAS - ORANJESTAD

Mr. Van Ulsen ta optimista pa logra reorganizacion deportivo

(Di Nos Redactor Deportivo)

Durante un corto entrevista cu e consehero deportivo Hulandes mr. W. Van Ulsenteni diasabra atardi, e figura halto aki di deporte Hulandes a expresa na nos cu e ta masha satisfecho cu e reunionnan cu el a tene tanto na Corsow como na Aruba.

Manera ya nos a publica mr. Van Ulsen a yega Aruba diaviera mainta y a conferencia e mes dia cu representantenan di ASU cual reunionnan a worde continua diasabra merdia.

"Mi a topa cu un espiritu di cooperacion cerca tur cu mi a conferencia cu nan te ainday e hecho aki ta hustifica mi optimismo den logra un reorganizacion den deporte di Antiyas Hulandes. Mi tin plena confianza di por bin cia cu e problema nopi pronto ya cu mi ke ta na Hulanda back pa Pascu", tabata palabranan di mr. Van Ulsen.

Awe ainda e consehero di gobierno Antiyano lo ta na Aruba y majan e lo bolbe na Corsow na despues muy probablemente bolbe conferencia cu e dirigentenan Arubano.

ASILO POLITICO PA SECRETONAN

TEL AVIV, 30 Nov. - Inglaterra a ofrese mi asilo politico en cambio pa datonan tocante servicio secreto di Egypto, pero mi no kier a duna e datonan aki. Segun Mordechai Loek, e homber cu douana Italiano a hanja den un maletana e aeropuerto di Roma, segun su abogado na Tel Aviv a declara. Loek a bisa ainda, cu ne servicio secreto di Egypto nan a contesta leknan. Agentenan di Egypto a pone responsabel pa esaki, rason pacual nan kier a secuestrele.

BUENOS AIRES, 30 nov. - Polis a haci uso di klop y canjonnan di awa pa domina un multitud di milles di fansnan cu tabata bringa pa drenta un chapel le ardente den cua tin e cadaver di e cantante di tango Sosa di 38 aña cu a muri. E trafico meste a wordu cambia via otro routa, y prome cu dia habri, e cadaver a wordu hiba pa stacion di mas grandi di Argentina, caminda un ola di admiradornan a desfila su dilanti.

PRESIDENTE DI CAMARA HULANDES TA BISHITA ANTILLAS

ORANJESTAD, 30 nov. - Ariba invitacion di presidente di Staten di Antillas, senor J.A.O. Bikker, e presidente di Segunda Camara di Staten General na Hulanda Mr. F.J.F.M. van Thiel lo bin Antillas acompaña pa su esposa y e miembro di Promer Camara di Staten General Hulandes, senor D.J. Tjalma. Nan lo ta na Antillas for di dia 11 di december te cu dia 18 di e mes un luna. Nan bishita ta especialmente pa asisti na e celebracion di e diez anja di existencia di e Statuto pa e Reinado Hulandes di cual Antillas ta forma parti.



Diabierna atardi ultimo minister E.O. Petronia a inaugura e exposicion di e pintor amateur J.B. Schweitz, kende ta maestro di school di profesion na Aruba y di e pintor di aquarel E. Garino di Paraguay. Ariba e foto nos ta mira di dos di robez, señor Petronia dirigiendo palabra na e presentenan. Na ocasion di apertura di e exposicion den Centro Cultural. Di robez pa drechi nos ta mira señor W. Huismans, (na nomber di comision di exposicion), ministro Petronia, señor Schweitz y señor J. Sanjurjo, kende a representa e pintor di Paraguay.

4000.- Florin

REY DE COPAS

TA REGALA ATROBE
DEN PERIODO DI 2 LUNA.

- Como cu e ultimo concurso di Rey de Copas manera custumber a resulta un exito asina grandi, nos kier complace nos consumidornan un biaha mas cu e "Cuater Rumanan" den nos vitrina. Simplemente duna nan un bunita number y gana premios.



**WAOW ! Otro fls. 4000.-
pa 19 December 1964 !!!**

E premionan lo worde reparti segun e cantidad di personanan cu tin e mes number pa cada popchi cu a worde favoreci.



REGLANAN PA PARTICIPA DEN E CONCURSO:

- 1) Entrega 1 botter bashi di Rey de Copas di $\frac{1}{2}$ gallon of 2 botter bashi di Ron Rey de Copas di $\frac{3}{4}$ liter of 4 botter bashi di Ron Rey de Copas di $\frac{24}{2}$ of 8 botter bashi di Ron Rey de Copas di $\frac{48}{4}$ na Aruba Distilling Co., Wilhelminastraat No. 47 y bo tu hanja un formulario pa yena bo number y direccion y e nombrenan pa e cuater rumannan.
- 2) Entregá e formulario aki yená na oficina di Aruba Distilling Co., Wilhelminastraat No. 47 y percura pa bo recibo, cu ta pega na e formulario, ricibi su stempel di entrega.
- 3) Warda dia 19 di december 1964 y cobra bo placa si e nombrenan cu bo a duna ta e nombrenan favorecê.
- 4) E mes persona por yena cuantun formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombrenan escogi.
- 6) Exigi pa bo recibo tin un stempel di Aruba Distilling Co.

SEMPER E FAVORITO

RON REY DE COPAS

EL REY DEL TRAGO

NOTA:

Directiva di Aruba Distilling Co. ta e unico responsable pa scogemento di e nombrenan. E nombrenan aki lo no ser scoge pa suerte y si e number aki ta igual na cualkier number cu surgi pa algun acontecimiento, esaki ta debido na pura casualidad.

RON REY DE COPAS

ARUBA DISTILLING CO.

Wilhelminastraat 47

Tel. 1266

Dos mainbout den programa dia 11

(Di Nos Redactor Deportivo)

A bin algun cambio den e programa di boxeo cu lo worde presenta den Wilhelminastadion diaviena dia 11 di december. Lo tin dos pelea estelar di diez round cada uno. Ernie Burford lo enfrenta Kid Fenton pa di dos biaha y e otro lo ta entre Sugar Cliff y Kid Pica Pica. Esaki ta un di e cambionan ya cu Sugar Cliff ta tuma lugar di Kid Zorzal, kende no por ta den accion e fecha di 11 di december.

Sugar Cliff ta nativo di Bahamas pero ta estableci na Miami y ta un di e discipulon di Angelo Dundee. Den lista di World Boxing, Cliff ta coloca den puesto number 43 di mundo den e categoria welter. Kid Pica Pica ta manera ya nos a yega di mencion e campeon welter di Sto. Domingo. E curazolenjo Ezzard Charles Jr. ta sustitui Young Carpentier den un pelea di ocho round contra di Charlie Brown. Un veterano cu ta haci su regreso den cuadrilatero ta El Tigre cu lo enfrenta Young Walcott den pelea di seis round. Lo tin adem as dos encuentro di tres round

cada uno. Isaac Thijsen ta enfrenta Flashing Dash y Harry Croes lo topa cu Roly Croeze. E programa cual lo ta ultimo di anja ta promete di bira interesante. Lo tin cuatro importado, dos for di Merca, uno di Sto. Domingo y uno di Corsow.

*E grupo di Africanonan cerca Nacionnan Uni cu ta consisti di delegacionnan di 33 pais, a dicidi di trese e kestion Congo ne consejo di seguridad ora cu e comision pa Congo dje organisacion pa unidad Africano, cu ta conferencia na Nairobi pidi pa esaki, segun un noticia foy New York.



E foto abao ta musta nos na robez, e dos rumanan Toleram den combersacion cu señor Henri Steeber di Aruba Caribbean Hotel, durante e apertura oficial di Palais Oriental diasabra anochi.



Diasabra atardi ultimo Palais Oriental nobo dilanti di La Linda den Nassaustraat a habri su portanan pa invitadonan na ocasion di inauguracion di e edificio. Un gran cantidad di comerciantenan y prominentenan di nos comunidad a asisti na e inauguracion. Foto ta musta nos Mr. H.C. Willemsem (di dos di robez) felicitando John Toleram (manager di e lugar nobo). Completamente na drechi nos ta mira señor S. Newton, representante di A.L.M. na Aruba.

AARNDEL Y CROES PA PITTSBURG

SEROE COLORADO, 30 nov. - Senjornan Rafael Aarnel y Felix Croes di e departamento tecnico di Lago otro siman lo sali pa Pittsburg na Estados Unidos pa sigui un curso di cinco dia na un Carnegia Instituut. Despues di e curso senjor Croes lo haci un bishita na e centro di investigacion di Esso na Linden, New Jersey.

COMPANIA BRITANICO BOW DI INDONESIA

DJAKARTA, 30 nov. - Na un desicion di president Soekarno actualmente nan a pone tur e companianan Britanico y nan filialnan na Indonesia bow di direccion directo dje gobierno Indones.

Den e desicion nan no ta papia tocante despropiasion of confiscamento. E companianan, entrecual empresanan di Unilever, plantashinan di tabaco, plantashinan di rubber y companianan di seguro, a worde pone bow di gobernacion di varios ministerio.

Hopi dje direccionnan Britanico, cu no tin sede na Djakarta, nan a pidi pa bandona e pais pa nan mes seguridad. E companianan a wordu pone sperando e desicion presidencial; temporalmente bow di gobernacion protectivo.

DEMOSTRACION NA PEKING

PEKING, 30 nov. - Na Peking diadomingo mainta nan a tene un demostracion grandioso contra intervencion dje imperialismo - Belgo Mericano na Congo. Segun cifranan oficial 700.000 persona a participa ne demostracion, entre kende Mao Tse Toeng y president Lioe Sjao Sji y prome minister Tsjoen En Lai.

Segun observadornan te prome biaha, cu Mao Tse Toeng, cu antes ta asisti solamente ne festividadnan oficial manera celebracion di prome di mei, ta participa na un tal demostracion. Den un proclamacion Mao Tse Toeng a pidi e pueblonan den henter mundu, pa hunta combati e agresornan Mericano.



"SUGAR" CLIFF

CHINA TOCANTE DI MERCA

PEKING, 30 nov. - Prome minister Tsjoen En Lai di China comunista arma a condena Merca durante un recepcion pa motibo di e agresion arma huntu cu e gobierno Belgo contra e pueblo Congoles. E pueblo Chines semper lo yuda e pueblonan Africano y pueblo Chines semper lo yuda e pueblonan Africano y pueblo Congoles den nan lucha contra imperialismo Mericano, segun Mao Tse Toen a bisa den un declaracion, cu e agresion Mericano, na Congo ta masha serio. Tambe el a culpa Merca di e morto di Loemoemba.

Nan a acusa nan mes ne intervencion arma directo, en cooperacion cu Belgica y Gran Britania. Mao ta acusa imperialismo Mericano, di ta comete agresion na Vietnam del Sur, di ta interveni na Laos, ta amenaza Cambodja y kier expande guerra na Indo China. Pero tur e personanan aki cu ta causa guerra lo wordu destrui, segun e lider Chines di partido.

8 Persona mascara y arma a ataca un edificio na Londres caminda dos cien persona, mayoria pensionadonan, lo hanja un bonus pa Pascu. Ladronnan a hui cu 30.000 florin. Dos homber y un polis meste a worde trata den hospital.

BOXEO INTERNACIONAL

ROMA, 30 nov. - Ex campeon mundial peso medio Sugar Ray Robinson a empata ne gala internacional di boxeo na Roma contra e Italiano Fabio Bettini. Veterano Robinson di 44 aña, a defende su mes excelentemente contra su contrincante di 18 aña, cu mester a keda satisfecho cu un reparto di punto den un pelea di 10 round pa su propio publico. E pelea a worde asisti pa mas di 15.000 fanatico.

E Portorriqueño Jose Torres a gana den Madison Garden na New York su prome pelea den clase medio pesado di e ex campeon mundial Mericano peso medio Carl Bobo Olson door di un knockout den e prome round. E triunfo aki te prome pasobra riba caminda pa un posible pelea pa titulo di e campeon mundial Willie Pastrano.

GENDA

ARUBAANSE COURANT

Parlamentu cu excepcion di
diadomingo
scripcion f. 3.25 pa luna
edicion los 20 ct.
edita pa:
ARUBAANSE DRUKKERIJ
UITGEVERS - en PUBLI-
EITS MIJ.

imprimi na:
N.V. DRUKKERIJ
"DE STAD"
foon 1116 Directiva y redac-
2116 Anuncio y subscrip-

director hoofdredacteur:
D. Wolff.

R CUMPRAR ARUBAANSE
URANT NA E SIGUIENTE
GARNAN:

ORANJESTAD:
EKHANDEL MARISKA,
ET SODA FOUNTAIN,
FRESQUERIA INGRID.

NA SAN NICOLAS
NICOLAAS STORE,
UNION-STORE.

KTERNAN NA WARD

Oranjestad Botica del Pueblo
1253-2154.
Nicolas Botica San Lucas
5119.

CINE

Veer: 8.30 p.m. "Liefde op
tsbevel" 18j
to: 8.00 p.m. "Five Golden
rs" 18j
ncipal: 8.00 p.m. "A Distant
mpet" 18j
ora: NO MOVIES
aneta: 8.00 p.m. "No Man is
Island" all

TELEARUBA

30 Children Hour
00 Annie Oakley
30 N.T.S.
45 Papiamento Newscast Live
& UPI Newsfilms
00 I Love Lucy
30 Sportsnews
45 Lawman
15 Phil Silver Show
45 English Newscast
Live & UPI Newsfilms
00 Dutch Film
00 Florian Zabach
00 Sign Off

RADIO KELKBOOM

07.00 Opening
07.02 Bon dia cu Alegria (Instru-
mental)
07.30 Noticia Internacional (Am-
stel)
07.45 Musica Matutino
08.00 Selecccion musical cu dis-
cunan Latino.
08.30 Cumpleanos Feliz
09.00 Noticia Social
09.15 Musica Varia
09.30 Melodias Instrumental
10.00 Noticia Internacional
10.05 Ritmos Latinos
10.30 Programma di N.Habibe Jr
11.00 Noticia Internacional
11.05 Musica Norte Americana
11.15 Musica Antillana
11.30 Musica Varia,
12.15 Noticia Internacional (Am-
stel)
12.30 Musica Norte Americana
12.45 Noticia Local (Viana)
01.00 Variacion di Ritmo Latino
01.30 Mei ora cu Boleros
02.00 Novela (Repeticion)
02.30 Peticiones
03.15 Ritmos di Caribe
03.45 La Macorisana & Inter-
nacional Supermarket.
04.00 Musica cu sabor Azteca
04.30 Noticia Local (Heineken)
04.45 Cocktail Musical
05.00 Danzones Cubanos
06.30 Musica para la Cena
07.00 Noticia Internacional pa-
piamento
07.15 Musica Aleman
07.45 Musica Norte Americana
(Instrumental)
08.15 Novela (Golgata)
08.45 Musica Varia
10.00 Sluiting.

PARTIDO NOBO
NA ALEMANIA

HANNOVER, 30 nov. - Nan a
lanta na Hannover un partido de-
rechista nobo "bow die number"
e partido democratico Alemana-
cional.

Ta pertenesce entre e fundadornan,
Adolf von Thadden, lider di e
partido derechista Aleman Real.

E reunion di fundamento a wor-
du asisti pa mas o menos she-
te cien politico derechista. E
partido, intencion a pa uni e for-
zanan nacionalista di Alemania
occidental, ta desea, pa pone un
fin ne mentiran cu Alemania
so ta culpabel (na segunda guer-
ra mundial)

Tambe nan ta exi-
gui pa stop, cu e procesonan di
un solo banda contra e crimi-
nalan di guerra.

RADIO VICTORIA

A.M.
05.30 Mananita Arubana
05.45 Bai Trabao den Compania
di Bo Companiero Constan-
te Radio Antillana.
06.10 Noticia na Ingles
06.30 Noticia na Papiamento
07.10 Noticia na Ingles
07.30 Noticia na Papiamento
07.45 Programa di Jule Nieuw
08.00 Espacio pa un ritmo criollo
y un poesia.
08.10 Variedad Musical
08.30 Musica y Consejo dedica na
nos amigonan Automobilista
09.00 Noticia na Papiamento
09.15 Programa dedica na tur a-
manan di cas
09.30 Meijico ta canta pa tur nos
amanan di cas
10.10 Noticia na Ingles
10.20 Programa di La Macorisana
e Internacional supermarkets
10.40 Momento di Ritmo
11.00 Danzones Cubanos
11.15 Regalo Musical
P.M.
12.00 Melodias Antilians
12.05 Noticia na Ingles
12.20 Noticia na Papiamento
12.30 Noticia na Ingles
12.45 Capsulas En Orbitas Alre-
dedor di Mundo Deportivo
01.00 Noticia na Papiamento
01.15 Fiesta Calypso
02.00 Lo De Ayer
02.30 Boleros Romanticos
03.00 North-American Music
04.00 La Esperanza y su Obsequio
Musical
04.30 Complaciendo Peticiones
05.00 Noticia na Papiamento
05.15 Calypsorama
05.45 Calendario Antillana
06.00 Ora Infantil

06.15 Musica Norte Americano
06.30 Noticia na Ingles
06.45 Variacion Musical
07.00 Felicitaciones y Complaci-
ciendo Peticiones
08.00 Programa dedica na tur nos
patientnan den Lago y San
Pedro Hospital.
08.15 Cont. di Felicitaciones y
Complaciendo peticiones.
08.30 Saludos Reddy Kilowatt (dial-
diaraz, diabierna, diasabra)
09.00 Musica Latina
09.15 Programa dedica na nos am-
gonan Polis.
10.30 Melodias y Romance Musi-
cal.
12.00 Clausura.

POSTSLUITINGEN

Fr Guyana 15.30; Canada (8.00-
15.30); Colombia 15.30; Curacao
(9.30)(15.30); Europa: (8.00-15.30)
Jamaica 8.00; Miami Fla (2) 8.00
New York (8.00-15.30); Nevis 15.
30; St. Kitts 15.30; St Maarten
(4) 15.30; Suriname 15.30; Trini-
dad (5) 15.30; Venezuela 15.30.

RADIO ANTILLANA

A.M.
06.00 Apertura, Wilhelmus The
Lord's Prayer, Musica.
06.15 E Bijbel Habri
06.30 Ultimas Noticias
06.45 Ecos Del Cielo
07.15 Noticias Espanol
07.25 Llamada A la Conciencia
07.30 World News
07.45 Thought For The Day
07.50 Bo Musica Favorito
08.15 El Camino de Victoria
08.30 Ultimas Noticias
08.45 Musica di Banda
09.00 El Sendero de Vida
09.15 Mundo Femenino
09.30 Morning Melodies
10.00 World News
10.10 The Bible For You
10.15 Through The Bible
10.45 Organ Melodies
11.00 Chapel Of The Air
11.15 Novela Cristiana
11.30 Melodias Di Merdia
P.M.
12.00 Ultimas Noticias
12.15 Musica Sagrada y Medita-
cion
12.30 World News
12.45 Quiet Time
01.00 Radio Concert Hall
02.00 Reading Room
02.15 Songs that touch the Heart
02.30 Quiet Hour
02.45 Hymntime
03.00 Peticiones
03.15 Ensuenos Musicales
03.45 La Hora Bautista
04.15 Ultimas Noticias
04.30 Listening Post
04.45 Sailor Sam
05.00 Vertel Uurtje
05.15 Palabranan di Bida
05.30 Noticias Espanol
06.00 Nederlands Nieuws
06.15 De Groene Weide
06.30 World News
06.45 Lago Hour
07.15 Off The Record
07.30 Musical Interlude
07.45 Psychology For Living
08.00 Musical Gems
08.30 Back To The Bible
09.00 Klassieke Muziek
10.00 Sign Off.

PROTESTA
SPANYO

MADRID, 30 nov. - E gobierno
Spanyo ta condena fuertemente e
crueldad y accionnan na Congo
y principalmente e actitud di
cierto gruponan o gobiernonan cu
ta alenta un tal actuacion mon-
struoso, den e actual siglo 20
aki, segun e minister Spanyo
di informacion Iribarne a decla-
ra despues di un reunion di gabi-
nete na Madrid.
E gobierno Spanyo a spanta di
e noticianan segun cual un 20
religioso Spanyo di Santa Rosa-
rio a wordu asesina pa revolu-
cionarionan na Stanleyville.



(NEA Telephoto)

MAMA QUINTUPLE - Señora
Monique Sambor, di 27 aña di
edad, a duna lus na cinco yiu,
tres homber y un muher.

CUMPLEANJOS

Dia 28 di Nov a cumpli 2 anja
chikitin Thelma Gregoria Ras-
mijn, felicitacion ta bini di suta-
ta Juan Isidro, mama Magriet,
rumanan Meda y Rolando, wela-
nan Clarita Werleman, y Maria
Rasmijn, welonan Medardo Wer-
leman y Genaro Rasmijn, madri-
na Maria na Hulanda, padrino
Roberto de Kort, tanta y omonan,
tambe di Causilia Werleman, Pe-
tra Arends y demas famia Ras-
mijn, Werleman, Paesch y
Schwengle.

Awe dia 30 di Nov. ta cumpli
su prome aniversario e simpati-
ca chikitin Cidella Blom, hopi
felicitacion ta bini di su mama
Greta, tata Gerbert, wela y welo-
nan, tanta y omonan, madrina y
padrino, Mona, Feli, Margo, Ri-
gina, Margarita, Pedro, Beto,
muy especial di Dora Werleman
y demas famia Lopez, Tromp, y
Blom.

Mas proteccion pa
president Johnson

WASHINGTON, 30 nov. - E de-
partamento dje servicio secreto
Mericano cu ta encarga cu e
proteccion di president di Merca
lo wordu fortifica cu 75 polis,
technico y otro personal. Segun
anuncia pa Douglas Dillon e mi-
nister di finanzas, bow di cual
servicio di seguridad ta cal.

"Anhelu di dos Curazon"

Novela

No. 28.

Ilse ta brinda e Merica-
un sonrisa agradecido. "Pero
ker no mester tende algo a-
a, pasobra e ta masha jaloers."
i por compronde esey, Conde-
Pakiko bo no ta invita e jo-
ey pa bin bishita Ilse na e
tillo, Conde Elmsborn?" Rai-
ta mira keto su dilanti. Su
ti ta traha febrilmente. Lo e
ba e experimento, y proef
ter Holm? E ta sinti berguen-
pero toch e ta sinti gana pa
ie. Di e manera ey lo e por
ta separa Volker y Andrea
otro? Si, esey tabata e de-
cu semper e tabata tin.
timacion pa e muhe ey ta ki-
den su pecho. Hamas e lo
paga e candela ey. Y kizas
Andrea lo sufrí mescos cu ne,
cu e ripara cu Volker ta

bolbe bek serca Ilse. Serca un
Ilse pover. E tabata un mal tata.
Atrobe e no ta pensa riba feli-
cidad di su jiu, pero riba ven-
ganza di su propio stimacion.
Pero e no ta sintie suficiente
fuerte, pa saca e pensamiento foy
su sinti. E ta lanta su cabes.

James Flint, cue a ripara cu
Conde Elmsborn no a tende lo-
ke el a puntre, ta ripiti su pre-
gunta: "Pakiko bo no ta invita
e joven pa bini na e castillo?"
"Mi no tin mester, Sr. Flint.
Ya e ta akinan cabauntu cu e
hendenan di pueblo." "Volker ta
akinan?" Ilse ta puntra y su wo-
wonan ta bira grandi y yendi bri-
llo. "Si e dijk a kibra", Rainer
ta contesta sin forza. "Tur e hen-
denan di pueblo mester a corre

bin akinan. Dokter Holm ta yu-
dando nos dokter." "Dokter Holm
ta esey ta e homber cu bo a es-
cohe, Condesa? E ora ey mi
mester felicitabo." James Flint
ta sonrei. "Pero e ora bo, no tin
ningun preocupacion, Conde!
Pa e tercio ey, mi ta hinca mi
man den candela, maske apenas
mi conoce." "Danki", Ilse ta mur-
mura. "Pa mi tambe ta bou an-
to, Ilse. Mi ta bay di acuerdo,
pero bo mester deshaci di bo he-
rencia." "Conde Elmsborn", Ja-
mes Flint ta bisa y ta keda mira
e Conde sorpresa. "Excelente
papa! Mi tin algo pa firma?"
xxx

"Naturalmente. Pero scuchami
un rato, mi ju, e lo ta sola-
mente valido, ora cu dokter
Holm declara por escrito, cu e
kier casa cu bo, maske cu bo
no tin placa. Pesey mi ta pidi-
bo, pa pensa un blaha mas bon,
kiko bo a dicidi, Ilse. Si unaves
bo a deshaci di bo herencia,
lo mi no cambie tampoco. No
tin ningun retorno, ni maske
ora cu worde demostra cu dokter
Holm ta henteramente otro di lo-
ke bo a kere." "Mi ta bay di
acuerdo cu tur cos, papa!" "Con-
de Elmsborn, bo no ta haya, cu
bo ta bay leuw di mas?" Bo jiu
muhe ta hopi joven ainda." Rainer
por a mira bon cla, cu cuanto
reproche e Mericano tabata mire.
E tabata sa loke e homber ta
pensa di dje awor, pero e no tin

idea pa kibra su deseo di mira
Andrea cu Volker sepra. Aparen-
temente indiferente e ta hiza su
schoudernan. "Mi jiu sa masha
bon, cua ta e ventaha y desven-
tahanan. E mester sinja corre-
riesgo." "Wel, Condesa", James
ta bisa, mientras e ta bira lom-
ba pa e Conde. "Si un dia bo ta
hayabo den dificultad, bo por wel
di bin serca mi!" Conde Rainer
ta medio sera su wowonan. A
aparece un plouo profundoriba su
frenta. "Por favor, James, no
bisa asina den presencia di dok-
ter Holm. Mi no kier, pa e tin
speranza di haya placa di otro
caminda." "Papa!", Ilse ta bi-
sa y ta keda mira su tata cu
tanto rabia, cu esaki ta spanta
un rato. Weyta te na unda su
desconfianza ta hibel E sirvienta
cu tabata limpiando e mesa, el a
ordene: "Sirbi koffie den e sala
blauw, y laga dokter Holm warda
eyden." Despues e ta dirigi su
mes na su jiu bisando: "Y abo,
bin cu mi den mi oficina, Ilse,
ya nos dos por drecha e contract-
nan." James Flint ta keda mira
nan dos, mientras e ta sacudi su
cabes. E Conde no tabata otro
hende, sino un desconfiando en-
persona. Nunca den su bida el a
haye den algo asina. No ta nada
stranjo cu su muhe a bay lague.
Dios lo sa, kiko emuhe mester a
wanta di dje. Lentamente Flint
ta cana bay den e sala blauw,
na unda el a topa cu Volker. "Bo

tin algun idea, ta pakiko e Con-
de a manda jamami?" Foy bis-
ta e dos tercionan aki ta sali
masha bon cu otro. "Wel, mi tin
idea si, pero mi no sa, si mi
mester felicitabo, of mi mester
condoleer bo!" James ta bisa
sonriendo. "Basta cu e no corre
cu mi di biahal Pasobra actual-
mente tin mucho awa den e pue-
blo." "Akinan bo planan tambe
por muha, dokter Holm." "Brri!
Mi mester gradici bo abiso. Pe-
ro ya cu nos ta so awor, sr.
Flint bo kier cuminda e Condesa
pa mi?" "Haci esey bo mes!
Ya Condesa Ilse ta biniendo ca-
bal!" Misteriosamente sonriendo
e ta mustra riba e porta, caminda
Ilse ta drentando cu su tata. "E-
saki si ta baina", Volker ta bisa
sorpresa. Pero despues su wowo-
nan ta cuminda brilla. El a lubi-
da e Conde y su amigo comple-
tamente, y e tabata tin wowo pa
Ilse so. Si e Conde no a cuminda
papia mesora, nan dos lo a keda
mira otro profundamente. Tacua
di nan por a imagina nan cu el a
bolbe haya un otro imagen su
dilanti? Bo por mira cuanto odio
tin den su wowonan. Su mannan
ta tembla. "Bo a propone mi
jiu muhe, pa deshaci di su heren-
cia, dokter Holm?" Su stem taba-
ta zona penetrante y frieuw. A-
trobe James ta sintie asombradi
e comportacion di e Conde.

E ta sigui.....

RIP KIRBY

pa cortesia di:

JAN BODÉGOM & CO (ARUBA) N.V.

Agente exclusivo di FRIESCHE VLAG lechi evaporado y lechi en polvo MAXWELL HOUSE KOFFIE.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.





BUCHI ROBEZ

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA

with compliments of

OFICINA MARITIMA DE ARUBA

DOCUMENTATION & TRANSPORTATION

FOR INCOMING, LOCAL & OUTGOING CARGOES BY AIR, SEA AND LAND



DICK TRACY

presenta pa cortesia di:

VICTORIA BOTTLING COMPANY

PEPSI-COLA---SEVEN UP---GRAPETTE-KIST--VICTORIA SODA WATER---
BUFFALO ROCK--GINGER ALE---



HOROSCOPO PERSONAL

ARIES-21 di maart-20 di april- No permiti cu bo aprecio y interes den sexo opuesto drenta den caminda di bo actividadnan comercial. E prome cosnan ta bini prome.

TAURO-21 di april-21 di mei- Trata di obtene mas y masha capaz di consigui esaki. Esaki ta un dia predispuesto na Tauro. Aprovecha esaki.

GEMINIS-22 di mei-21 di juni- E accion considera mes conseguí mas cu si bo trata di obtene e cosnan pa medio di forsa.

CANCER-22 di juni-23 di juli- Tin mas den e exito cu e ganancia material. Mantene bo amistadnan semper contentu. Esaki ta vale la pena.

LEO-24 di juli-23 di augustus- Bo por fortalece e inspira otro persona pa nan obtene exito. Sin embargo bo por hasi esaki pa bo mes.

VIRGO-24 di augustus-23 di september- Cortesia ta hunga un rol masha grandi den e exito cu bo ta desea di logra e dia aki. No perhudica ningun hende.

Coca Cola

Pa fls. 1.50 y 30 tapa di Coca-Cola, Bo ta recibí un 12" long play disco

Coca-Cola Tropical Bottling Co.

LIBRA-24 di september-23 di october- Felicidad mas bien ta paden cu pafor. Kere den esaki sinceramente y cuminsa actua di tal manera cu exito no por bai laga bo.

ESCORPION-24 di october-22 di november- Esaki ta un dia masha importante pa tene tranquilidad. Evita e disputanan tantu na cas como na trabao.

SAGITARIO-23 di november-23 di december- Kizas nan presenta problema complica den bo empleo. Tuma bo tempu y sea sigur di hasi e decisionnan debido.

CAPRICORNIO-23 di december-20 di januari- E aspectonan cu ta yuda ta den orbita e dia aki. Esaki ta un dia den cual ta bale la pena hasi bon esfuersonan y pa corona nan bo mester harí.

ACUARIO-23 di januari-19 di februari- Mantene bo entusiasmo respecto e actual actividadnan alto. Di otro manera lo bo fracasá.

PISCIS-20 di februari -20 di maart- Cuminsa traha tempran y bo lo mira con tempran bo ta caba. No laga pendiente pa mañana.

*Den un orfelinato na Bad Waldliesborn, un provincia den e provincia Noord Rijnwest-Falen di Alemania Occidental, nan a constata cerca 44 mucha, y un kleuterleidster y un koki paratyphus. E enfermonan a worde hiba pa instalacionnan di quarantaine.